

rii : omnes deniq; literarum amantes Cives &  
Studiosi interesse & benivolam aurium operam  
mihi dicare dignentur, eâ, qua par est, observan-  
tiâ, officiosè etiam atq; etiam rogo. P. P. Lu-  
becæ, Anno clc lxc L. pridie Ka-  
lend. Augusti.

V I R O

Clarissimo & Eruditissimo

J A C O B O K Ö C K E R T O

adfini suavissimo.

**H**orrida ter denos exercita bella per annos  
In campis, Germane, tuis & viscere regni,  
Attigerunt finem tandem: postquam omine fausto  
Indoluit populi ærumnis, & foedera sanxit  
Arbiter Imperii & septem Regina trionum.

Ex illo nostris rediit pax aurea terris,  
Armaq; ad horrentes derepta reponere muros  
Coepimus, & pressis amplectier ocia turbis.  
Jamq; iterum renovantur agri, tutiq; pererrant  
Arva greges, lituiq; silent, & classica mussant.  
Addunt se locias paci, gressusq; sequuntur  
Relligio, leges, artes, cælestia dona.

Hæc tu nunc placidæ decurrens flumine linguae,  
Dulcia Phoebæo deducis carmina plectro,  
Pacis amans, Köckerte; & pura mente Jehovæ  
Promeritas grates laudumq; encomia solvis.

At nos arcano perculsi pectora motu,  
Multa Deum rursus repetita voce precamur,  
Supplicibusq; animi veneramur sidera votis:  
Dum modò coeruleæ sinuosa ad flumina Travæ  
Delecti proceres, & nullius indiga laudis

Pecto-